

PANGLIMA TENTERA UDARA MERASMIKAN TABIKA KEMAS DESAWIRA & GALERI ANGKASA KENYALANG

airforce.mil.my/berita/acara-rasmi/3270-panglima-tentera-udara-merasmikan-tabika-kemas-desawira-galeri-angkasa-kenyalang

KUCHING, 3 Apr 18 - Panglima Tentera Udara, YBhg Jen Tan Sri Dato' Sri Hj Affendi bin Buang TUDM telah merasmikan pembukaan Tabika Kemas Desawira serta Galeri Angkasa Kenyalang di Pangkalan Udara Kuching sebentar tadi.



Acara ini telah dimulakan dengan upacara perasmian Tabika Kemas Desawira bertempat di Rumah Keluarga Angkatan Tentera (RKAT) Batu Kawa yang bakal menempatkan serta memberi manfaat pendidikan awal kepada anak-anak warga TUDM khususnya yang bertugas di PU Kuching.



Terdahulu, Panglima Tentera Udara telah menandatangani plaque serta memotong reben sebagai simbolik perasmian bangunan tabika ini.

Turut hadir memeriahkan upacara ini adalah Yang Berusaha Puan Dayang Monalizawati bt Abang Ismail (Timbalan Pengarah Unit Pendidikan Awal Kanak KEMAS Negeri Sarawak) serta warga TUDM dan keluarga yang menginap di Rumah Keluarga Batu Kawa.



Dalam acara berasingan, Panglima Tentera Udara turut merasmikan pembukaan Bangunan Galeri Angkasa Kenyalang bertempat di PU Kuching. Galeri ini berfungsi untuk memaparkan maklumat mengenai sejarah penubuhan serta info perihal PU Kuching.



Mengiringi Panglima Tentera Udara bagi kedua-dua upacara perasmian ini adalah Mej Jen Dato' Johar Razali bin Hj Ahmad TUDM (IJTU), Mej Jen Dato' Ir Razali bin Abd Ghani TUDM (AKS Kejuruteraan), Brig Jen Ahmad bin Abd Rahman TUDM (AKS Tadbir) serta pegawai-pegawai Kanan TUDM yang lain.



